

76  
DE EFFUSIONE  
INTRA ABDOMEN

VULNERATIS PARTIBUS CONTENTIS.

THESES ANATOMICO - CHIRURGICÆ

*Quas* DEO JUVANTE, & Præside M. TUSSANO BORDENAVE,  
Artium & Chirurgiæ Magistro; Scholarum Professore Regio, Regiæ  
Chirurgorum Academiae Consiliario, & pro Commercio extraneo  
Secretario, *tueri conabitur* FRANCISCUS GUILLELMUS LEVACHER, *D'Exvieux*  
*Ebroicensis, in almâ Universitate Parisiensi Artium Liberalium Magister.*

P A R I S I I S.

IN REGIIS CHIRURGORUM SCHOLIS;

*Die Sabbati 13<sup>a</sup>. Decembris, à sesqui-secundâ post meridiem ad septimam;*  
*anno R. S. H. 1760.*

PRO ACTU PUBLICO  
ET MAGISTERII LAUREA.



Typis P. AL. LE PRIEUR, Regii Chirurg. Collegii  
Typographi.

---

M. D. C. C. LX.



THE HISTORY OF THE  
TOWN OF

THE HISTORY OF THE

THE HISTORY OF THE  
TOWN OF

THE HISTORY OF THE

THE HISTORY OF THE  
TOWN OF

THE HISTORY OF THE

THE HISTORY OF THE  
TOWN OF

THE HISTORY OF THE

THE HISTORY OF THE  
TOWN OF

THE HISTORY OF THE

THE HISTORY OF THE  
TOWN OF





*D. O. M.*  
 T H E S E S  
 A N A T O M I C O - C H I R U R G I C Æ.

I.



**I**NTRA cavum Abdominis per vascula ultima arteriosa, in membranis viscerum exterioribus & internâ peritonæi facie ordinata & patula, tenues continud perspirant humores, qui modò magnâ copîâ, nec sine corporis incommodo aggregarentur, nisi bibulis venarum osculis, juxtâ animalis œconomîæ leges, motu perpetuo resorberentur. Semper ergo ex naturâ suâ exhalans & inhalans Abdomen. Dum hæc in corpore ritè perficiuntur, sanitas est; non item, si mutato rerum ordine plus exhalatur, quàm resorbetur, adest morbus; liquoribusque congestis hic effectus vocatur *Effusio*.

II.

**ABDOMEN** partesque in ipso contentas lædunt instrumenta pungentia, secantia, contundentia, aliaque & varios edunt effectus, pro vario læsionis gradu partibusque læsis. Non mirum ergo diversi generis liquores pro variarum partium læsione, intrâ abdo-



men effundi, ut infelix dudum testatur rerum experientia; sic læsis visceribus aut vasis in hac cavitate contentis effluunt quandoque potus, cibus, chylus, bilis, urina, fæces, ichor, sanguis &c. Quæ quidem fluida in diversis possunt colligi locis, ex quibus omnibus in effusionum specie notanda se præbet diversitas. Si minori quantitate effluant hi liquores, partium abdominalium motu perpetuo quassati, exsudanti humore seroso diluti, ad resolutionem disponuntur, & per absorbentia vasorum oscula versum circulationis alveum, aut versus organa corporis secretoria derivantur. Sic ferè sponte suam morbum expellit Natura, Arte tantum juvante, remediorum generalium topicorum que resolventium ope. Si autem majori copia ruptis vasis effundantur, tunc resolutioni impar Natura, malo mox obrueretur, nisi doctè feliciterque audax Chirurgia, apertis repagulis, liquoribus præberet exitum, Naturamque impotentem opitularetur.

### III.

VARIORUM liquidorum præsentia plus minusve importat periculi, pro indole, quantitate & variâ ad motus spontaneos dispositione; hinc tanquam lethalia haberi possunt abdominis vulnera, cum effusione cibi, potus, chili, bilis, urinæ, fæcum, nisi hæc parca admodum copia facta fuerit, ideoque aut resolutioni, aut expulsiõni apta: alioquin enim inde sequuntur, & quidem paulò-post vulnus inflictum, febris ardens, ventris tensio, dolor, convulsivi motus, dolores colici, liquoris effusi perversio, inflammatio viscerum, gangræna, aliaque ejusdem generis pessima accidentia quæ ægrum brevè tollunt de medio.

### IV.

PERICULOSISSIMA etiam sanguinis effusio quæ subsequitur rupto majori vase; vix enim inflicto vulnere, oritur, crescit & intra breve tempus ad summum pervenit gradum. Hanc effusionem indicant ventris tumor, tensio, convulsivi motus, spirandi difficultas, pulsus debilis, sudores frigidi, syncope, lipothymia frequens; citò lethalis est nullamque ferè admittit medicinam.

### V.

SANGUIS minori quantitate effusus sponte resorbetur, ita ut plerumque nihil inde mali sequatur: quod demonstratur ex quibusdam abdominis vulneribus; tale etiam habet exemplum ex Rhuyschio clarissimus Van-Swieten. \* Non tam faustis avibus obtinetur curatio, quando sanguis modicâ quantitate effunditur; nisi enim contractis vasis, aut alio quolibet modo compescatur hæmorrhagia, sensim ac sensim affluente sanguine, oriuntur accidentia & in ancipiti res ægri versantur, nisi effuso sanguini concilietur exitus. Quid verò in hoc casu sit tentandum, quid sperandum? Patebit ex sequen-

\* Abdom. vuln.  
§. 313. n°. 3.



tibus, determinatâ prius effusionis sede ex considerata generatim ab-  
dominis structurâ.

## V I.

INTER partes abdominis continentes præ cæteris annotandi mus-  
culi abdominales, qui situ, structurâ, dispositione, fibrarum ordine  
inter se diversi, peritonæo incumbentes, partes contentas alternatim  
premunt varia que digestioni, alimentorum motui, chyli expressio-  
ni, facum ejectioni, partui, sanguinis intrâ portarum-venam cir-  
culationi &c. accommodata adimplent munia.

## V I I.

INTRA abdomen continentur viscera variis functionibus dicata;  
inter quæ majorem cavitatis partem replet tubus intestinalis fi-  
bris musculosis magnâ ex parte constans, aëre turgidus, motûs  
continui & peristaltici capax, humano corpore septies longior; pro  
loci angustia diversimodè inflexus, varios edit gyros & anfractus  
sibi invicem accumbentes quos pendulos & liberos retinet Mesen-  
terium, ligamentum laxum, vertebriis lumbaribus affixum, peri-  
tonæi soboles.

## V I I I.

VI vitæ tubum hunc premit musculorum actio, partes ca-  
nalis sibi invicem apponuntur, pro structurâ & elasticitate fluidi  
intrâ civitatem propriam expansi resistunt; cumque, juxta fluidorum  
leges, liquores tendant versùs eam partem ubi minor est resistentia, ita  
liquores intrâ abdomen congesti, ab intestinis elasticis & resistentibus  
pressi expelluntur versùs abdominis anteriora & inferiora quæ minùs re-  
sistunt, & liquidorum præsentia faciliùs distenduntur. Hanc mechanicam  
fluidorum dispositionem demonstrat hydrops ascites, tunc enim  
visu & tactu dignoscuntur ventris tumor necnon liquorum collec-  
tio versùs anteriora & inferiora; idem etiam probat spontanea  
fluidorum tendentia exterius versùs incisionem quamlibet super ab-  
domen ritè institutam, ut evenit suppurato omento intrâ abdomen  
post sectionem aut ligaturam, herniis suppuratis, &c. Quod evin-  
cunt in vivis observationes modò memoratæ, hoc idem testatur  
corporum vitâ functorum cum liquoribus effusis inspectio anato-  
mica. Hujus modi exempla quatuor commemorat vir clarissimus  
M. Garengot. \* Idem observavit in cadavere hydropis hujus-  
ce actûs Præses. Attendendum in hisce casibus liquores colligi  
anterioriùs & versùs ilia, sique pars illorum intrâ intestinorum inter-  
valla diffuset, hoc post mortem evenit, parte minùs resistente, aut  
tunc ponderante liquore, præsertim quando adest in ipsis maxima  
fluiditas. Si etiam liquores effusi concrecant, vel minor sit ipsis  
fluiditas, ut sit effuso sanguine, tunc coagulatum hoc liquidum &  
inter intestinorum spiras accretum, focum efformat effusionem que  
i mper anterioriùs objicit,

\* In commentis  
Regiæ Chirurg.  
Acad. Tom. II.  
in Comment. sur  
les Epanchemens  
dans le Ventre.



EXPOSITA superius mutuâ & reciprocâ partium sanarum resistentiâ quæ liquores versùs anteriora premit ; sequitur , 1°. Sanguinem ex vase rupto diffluere cum difficultate quâdam & consequenter effusionem intrâ abdomen fieri difficilius quàm vulgò putatur. 2°. Exitum liquoribus esse parandum , incisione rite institutâ in parte anteriori & inferiori. Hanc doctrinam sagacissimis rationum momentis stabilitam , è tenebris edidit egregius vir , à patre haud satis laudando non degener , clarissimus PETIT filius. \*

\* Vide A&A. Reg.  
Chirg. Tom. II.  
Comment. sur les  
Epanchemens dans  
le Ventre.

## X

SIGNIS propriis dignoscitur effusio intrâ abdomen. Quæ sequitur rupto vase majori , indicatur paulò post inflictum vulnus. (Vide N°. IV.) cumque sit citò lethalis , instituenda prognosis , ut ubi malo obruta deficit Natura , Ars impotens , futura prælagiendo , saltem deficere non videatur.

## X I.

EFFUSIO quæ fit sanguine modicâ quantitate intrâ abdomen effluente , non indicatur statim ab inflicto vulnere ; elapso tantum tempore quodam oriuntur accidentia ; undè distinguenda sunt accidentia primitiva vulneri partibus quæ læsis propria , à consecutivis ab effusione oriundis & à vulneris naturâ non pendentibus.

## X I I.

ACCIDENTIA primitiva diversi modè oriuntur pro partium læsarum indole , cumque propria distinguantur pro singulis partibus læsis ; hinc repetenda ipsorum diversitas , idoneaque ipsorum curatio. Sic pro vulnere composito , aut complicato , læsâ musculorum aponevrosi , aut visceribus vulneratis , oriuntur dolor , irritatio , convulsio , tensio abdominis , viscerum inflammatio , singultus , vomitus , dejectiones variæ , retentio vel suppressio bilis , urinarum , sæcum , febris ardens , maloque progrediente , pulsus debilitas , animi deliquium , sudores frigidi , &c. Hæc modò plura , modò pauciora sequuntur pro læsionis gradu , partesque læsæ dijudicantur ex sede vulneris , doloris specie & situ tum vulnerantis tum vulnerati , accidentibus propriis , dejectionibus , &c. Cum inflicto vulnus sequantur , facillè distinguuntur ab accidentibus effusioni propriis ceduntque adhibita convenienti medelâ.

## X I I I.

Ab accidentibus modò memoratis , plurimum differunt accidentie effusionis consecutiva. Si enim remissis symptomatibus primariis , per quatuor , sex , plures-ve dies ægroque melius se habente , absque ullâ causâ sensibus obviâ , reviviscant accidentia vel nova appareant ; tunc effusio præsens dijudicanda. Hæc autem tunc præ cæteris eminent symptomata , tensio ventris , dolor , spirandi difficultas , præcor-



diorum anxietas, febris; quandoque etiam vesicæ dolor & difficilis urinae excretio: jam verò distinguenda tensio ventris effusionis effectus, ab eâ quæ sequitur læsionem nervosam. Hæc oritur statim ab inflicto vulnere, venter dolet, resistit, tenditur æqualiter ubique: illa tardius oritur, venter minus dolet, minus resistit, in parte determinatâ præ cæteris prominet & elevatur cum obscuro quandoque fluctuationis sensu. Lentiùs progrediuntur accidentia effusionis sanguineæ; citiùs, quæ sequuntur ex effusione liquorum secretorum, alimentorum ve; cum enim motu spontaneo ad corruptionem faciliùs disponantur hæc liquida, faciliùsque procreent viscerum gangrænâ, inde etiam citiùs adsunt febris ardens, gutturis, linguæ, labiorum ariditas, sitis, dolores abdominis, singultus, vomitus, motus convulsivi. Hæc ergo aliis notionibus ex situ vulneris petitis conjuncta, effusionem sanguinis ab aliâ prænuntiare valent, majusque vel minus periculum pertimescendum indicant; inde concludendum quænam sit hujus mali prognosis.

## XIV.

INQUIRENDUM sanè videtur quâ ratione ex effusione sanguinis oriantur tantum accidentia consecutiva? Ratio patebit attentè consideranti, sanguinem effusum non nocere multum primis temporibus neque copiâ, neque indole propriâ. Hæc probant serum hydropis intrâ abdomen maximâ quantitate effusum absque accidentibus nativæque sanguinis constitutionis acrimoniæ expers: sique post majorem hæmorrhagiam accidentibus tentatur æger, hæc non à præsentia sanguinis intrâ abdomen, sed ab ejus absentia intrâ arterias repetenda. Jam verò cum sanguis (Nº. IX.) non effluat liberè intrâ abdomen, versus unum locum colligitur, ibique, præsertim si sit arteriosus, coagulatur\*, quia licet moveatur abdomen, motui cedit vix ipse motus. Aliundè orta inflammatione in partibus læsis, indurata que sanguinis lymphâ, concreverunt, adhærent inter se partes sedemque peculiarem liquoribus effusis præbent. Inde per quietem & calorem orto motu spontaneo, ab indole degenerat dilatatur sanguis, dissolvitur, sero semper exhalante partim mutatur, distenduntur etiam partes vicinæ simul concretæ; unde in abdomine tensio nova, dolor, inflammatio, horrores absque regulâ, si imminet suppuratio, aliæque symptomata à partium structurâ, sensu, mutatoque naturali functionum ordine producta. Hæc immeritò etiam sanguinis putrefacti acrimoniæ tribuerentur; nisi enim gangrænâ incipiente jam afficiantur partes, statim exitu liquoribus parato, cedunt sæpiùs accidentia, licet depravatus sanguis foras totus non eliminetur.

## XV.

ACCIDENTIA effusionis modò memorata (Nº. XIII.) ritè dignoscantur; cum enim viscerum gangrænâ sit occurrendum, periculum foret in morâ.

\* Non item coagulatur venosus sanguis, ipsumque in Cadaveribus post quindecim dies fluidum se vidisse testatur Clariss. Garangeot, in Dissert. supra laudatâ.



\* De Morbis  
chronicis cap. 10.

\* Mém. de l'A-  
cad. de Chir. tom.  
1 & 2.

EXPOSITA mali naturâ, ex dictis superius sede que ipsius cognita; quæ quidem sæpè elatior tumet cum obscuro fluctuationis sensu, patet liquoribus parandum esse exitum per incisionem ritè institutam. Jam verò pus in abdomine collectum faciliùs detrahi, *sectis inguinum locis*, quodquidem *Erastistratus demonstravit*, refert *Cœlius Aurelianus* \* unde hanc operationem veteribus non incognitam patet; sed cum penitus neglecta & temporum lapsu oblivione sepulta, imò ad effusum sanguinem eliminandum à veteribus nunquàm adhibita fuerit, hanc ad hunc finem in lucem de novo edidère Chirurgi Parisienses \*. Ut autem fiat hæc operatio, incisio tres digitos longa celebratur in parte laterali musculorum rectorum in distantia trium digitorum infra umbilicum ad altitudinem spinæ superioris Ilii, si effusio situm habeat in hypogastrio. Cæterum pro morbi situ vario, varius etiam incisioni locus, Linteolum castitum vulneri immittitur, deligatur curaturque ut abscessus. Injectiones lenientes primis curationis temporibus cautè adhibeantur ad grumos sanguinis abstergendos, postea tanquam inutiles ablegandæ. Diætâ tenuis, diluens præscribenda. Alvus leniter movenda. Evacuato autem liquido congesto, distenditur abdomen; cedunt inflammatio, dolor; expelluntur humores depravati partes que redintegratæ sanitati restituuntur (a); non item, si tardius instituatur operatio.

\* Instrumentum  
erat gladius an-  
ceps.

(a) Sub finem tertii anni belli præsentis, dum castrentia nosocomia coadjutor Chirurgus teneret hujus-ce Actus defensor, miles quidam duello præliatus ab antagōnistâ vulneratus est. \* Instrumentum altè in regionem lumbarem dexteram penetravit, adeò ut, illæsis tamen intestinis, vasa quædam mæseraica aperuerit. Ager ad nosocomium, propè oppidum, Luynen, dictum delatus promptissimis egebat auxiliis. Jam enim alvus aucta multum & tensa, difficilis respiratio, pulsus debilis, anxietas, horrores & extremitatum frigus effusionem minitabantur. Subitæ ergo, frequentes, largæ que fuerunt sanguinis missiones. Fotum est linimentis abdomen cum oleo rosarum quæ singulis quaternis horis per tres dies repetita, clysmatibus emollientibus, diætâ austerâ, potuque diluente adjuta fuerunt. Circâ quintam & sextam diem ita remisere accidentia primitiua, ut paululum cibi permitti potuerit, æger imò deambulaverit. Verùm circâ octavam diem urgentiora & periculosa renata sunt symptomata. Longè magis ac antea tendebatur alvus & dolebat præsertim in regione iliaca infra vulnus jam agglutinatum subjacente, tumorque ibi eminebat œdematosus. Inflammata & acres urinas æger cum dolore mittebat frequentius; febris auctior, sitis ardens, grandior anxietas, erebriores horrores manifestam effusionem nuntiabant, atque præsentius urgere periculum indicabant. Vix jam fiebat respiratio, viresque ægro identidem deficient. Convocatis omnibus quos accersere poterat Collegis, incisionem duabus vicibus in eâ parte celebravit ubi magis tumor eminebat, ita ut apertura tribus digitis exteriùs, interiùs verò duplominus hiaret. Quo peracto defluxit liquor spissus yappam colore referens, albicantibus striatam lineis & innatantes cruoris grumos qui dilui non potuerant digitis avulsit, in primâ hac deligatione nullam injectionem exhibuit, setacæque tantum intromisso, alvum oleo rosarum innunxit, sed intra octo, quæ secutæ sunt deligationes aquam hordei cum melle rosato in abdomen injectit & cum pulvillis eodem liquore imbutis novum vulnus curavit. Continuatis clysmatibus & fomentationibus, diætâ severâ, nec ultra sitim producto potu, setacæ post dies octo abstinuit, vulnusque ut simplex tractavit & intra triginta quinque dies Ager integrè restitutus est.